

Fu posto, per li Consieri, Cai di XL, Savi del Conseio et di terra ferma, che sier Piero da Canal electo proveditor sora le cosse di frati di santa Justina, per non esser di questo Conseio, possi venir non metando ballota, *ut in parte*. 118, 31, 0.

Fu posto, per li Savii tutti, che a sier Marco Minio va Orator al Signor turco li sia dato la galla soracomito sier Andrea Contarini, qual si atrova a Boca di Cataro, et li sia scritto che'l vengi in Istria per levar il ditto Orator et condurlo a Ragusi, o dove sarà di bisogno. 123, 5, 0.

62 Fu leto la parte presa zerca far la election di Savii sora le acque. *Item*, la parte presa a di in questo Conseio. *Item*, di elezer 3 sora i hospedali.

Fu posto per li Consieri, Cai et Savii, elezer 5 Savi sora la mercanzia di quelli che meteno balota in questo Conseio, non possino refudar pena ducati 500. Et sier Luca Trun el consier vol la parte, con questo siano electi *solum* tre. Andò le do parte : 47 del Trun, 102 di Savii, 0, 0, et fu preso farne 5, iusta il consueto.

Fu posto per li Consieri, poi leto una gratia di Antonio de Camera qual vol far stampar Joanne Grammatico, *sive* filosofo sopra li 5 libri di Aristotile *de agnatione animalium noviter* tradutto di greco in latin, et per anni 10 altri che lui non possi stampar 124, 5, 10.

Fu posto, per tutto il Collegio, che atento sier Tomà Bondimier qu. sier Zuane fusse tanxato et la facultà è partita in più parte, però sia preso che'l sia concesso et commesso alli X Savii in Rialto che veder debbi et dar la tansa a cadaun la soa parte. 113, 19, 2.

Fu posto, per tutti 5 Savi ai ordeni, *cum sit* fusse deputà al viazo di Alexandria la galia capitania di Baruto, la qual vista da li protti e li Patroni non è sicura, pertanto sia preso che 'l sia deputà al dito viazo in loco di la sopraditta la conserva di Baruto, capitano sier Filippo Basadona. Fu presa. 141, 3.

Di campo, vene lettere del Pixani procuratos et Pexaro proveditor zeneral, date a Lambrà a di 21, hore Come erano stati *iterum* in consulto, voleno aspetar risposta del capitano Piero Navaro. Il Capitano zeneral voria reformar sguizari, restar su 6000 et cassar 10 milia et 2000 grisoni, et far capitano il signor Ferigo di Bozolo, et darli ducati 200 al mese, et così è l' opinion del re Christianissimo; il qual è andato a Monza a veder di fortificar quella terra. *Item* scrive, il Capitano zeneral saria di opinion di dar li 50 homeni d'ar-

me del signor Malatesta Baion fato capitano di le fantarie a Lodovico Vistarini da Lodi, qual fo quello causò si ave Lodi. *Item* scrive zerca danari.

Fo mandato in questa sera in campo ducati 4500.

Di Bergamo, di rectori, di 21, hore . . . Del zonzor li do corrieri francesi con seudi 10 milia, sicome ho scritto di sopra.

Noto. In le lettere di campo è uno aviso, che'l signor Federico di Bozolo si duol che'l re Christianissimo si ha mal portato con lui, che quando si acordò con l'Imperadore non lo nominò in alcuna cosa, nepur che li fosse *signanter* restituiti li soi beni confiscadi per la Cesarea Maestà, etc.

Da Udene, del Locotenente, di 20. Manda li sottoscritti avisi :

Magnifice etc.

Questa sera è zonto qui un factor de un mercadante alemano, che vien da Vienna, da la qual se partite heri forno zorni 8, al qual facto dimandar da novo, dice come intese che'l Signor turco era andato col suo campo alla volta che era lo vaivoda de Transilvania, et afrontandosi l' uno con l'altro, fu fatto una gran scaramuza, ne la quale molti de quelli transilvani erano stati morti et haveano habuto il pezo. *Item*, dice che la regina di Ongaria si era ancora in Posonia, ma non havea il dominio di la roca, la qual el castelano che è dentro mai gli ha volesto dar, anzi prohibiva a lei che non si podesse partir de la terra. Et dice che lo Serenissimo principe Ferdinando havea domandato il possesso de alcune terre de l' Ongaria a li sui governadori, che sono Posonia et Rubarch et Haiburch, li quali haveano risposto che erano contenti darge ditte terre et che venisse a suo bon piazer. Et che per questo effecto esso Serenissimo Principe era partito da Viena con 12 mila persone verso diete terre, et menava artellaria con sè. Questo è quanto al presente habiamo.

Glemonae, die 19 Octobris 1526.

Sottoscritta :

*Capitaneus et Comunitas
Glemonae.*

Item a di 20 ditto: ser Biasio da Gemona partito da Viena zà zorni 18 referisse in ditta terra non haver visto zente da guerra, *solum* alcune si a piedi come a cavallo, li quali a pezo a pezo arivano et riposavano un giorno, et lo giorno poi se-